



საარჩევნო დღის მონიტორინგის სიახლე - 18:00

აღნიშნული ანგარიშის მომზადება შესაძლებელი გახდა ამერიკელი ხალხის გულუხვი მხარდაჭერით ა.შ.შ. საერთაშორისო განვითარების სააგენტოს მეშვეობით. ანგარიშის შინაარსზე პასუხისმგებელია "საერთო სამოქალაქო მოძრაობა მრავალეროვანი საქართველო" და შესაბამისად უცილობლად შესაძლოა არ ასახავდეს ა.შ.შ. საერთაშორისო განვითარების სააგენტოსა და ა.შ.შ. ხელისუფლების შეხედულებებს.



30.05.2010

ა.შ.შ. საერთაშორისო განვითარების სააგენტოს მხარდაჭერით პროექტის "2010 წლის ადგილობრივი თვითმმართველობის არჩევნების მონიტორინგის სამოქალაქო ინიციატივა - არჩევნების სამართლიანად ჩატარების უზრუნველსაყოფად სამცხე-ჯავახეთისა და ქვემო ქართლის ამომრჩევნთა შესაძლებლობათა გაფართოება" ფარგლებში "საერთო სამოქალაქო მოძრაობა მრავალეროვანი საქართველო" ახორციელებს საარჩევნო დღის მონიტორინგს სამცხე-ჯავახეთისა და ქვემო ქართლის რეგიონებში.

სამცხე-ჯავახეთის რეგიონი:

ბუზავეთის 38-ე (ახალქალაქის 40-ე საარჩევნო ოლქი) საარჩევნო უბანზე ადგილი ქონდა ერთი და იმავე პიროვნების მერ რამოდენიმეჯერ ხმის მიცემის მცდელობას, რომელიც დამკვირვებლების ჩარევის შემდგომ აღკვეთილ იქნა.

ზაკვის 28-ე (ახალქალაქის 40-ე საარჩევნო ოლქი) უბანზე ადგილი ქონდა ერთი ამომრჩევლის მიერ რამოდენიმე ბიულეტენის ერთდროულად ჩაგდების ფაქტს. საარჩევნო უბნის კომისია უარს აცხადებს "მრავალეროვანი საქართველოს" დამკვირვებლებისაგან მიიღოს საჩივრები. ასევე დამკვირვებლების მიმართ ადგილი აქვს ფსიქოლოგიური ზეწოლის ფაქტებს.

ახალქალაქის 40-ე საარჩევნო ოლქის 63-ე უბანზე არ იყენებენ მარკირების სითხესა და აპარატს. აღნიშნულის თაობაზე დამკვირვებლების მიერ შეტანილ იქნა საჩივარი.

ბაზავათის 38-ე, დილისკის 24 -ე, ზაკვის 28-ე და ახალქალაქის 63-ე უბნებზე უარს ეუბნებიან "მრავალეროვანი საქართველოს" დამკვირვებლებს, რათა მათგან მიიღონ საჩივრები. აღნიშნული ფაქტი გასაჩივრდა საოლქო კომისიაში.

ბორჯომის მე-4 საარჩევნო უბანზე ადგილი ჰქონდა ამომრჩევლის მიერ საარჩევნო ბიულეტენის ნაცვლად საარჩევნო ურნაში პირადობის მოწმობის ჩაგდების ფაქტს.

ბორჯომის მე-4 და მე-6 საარჩევნო უბნებზე საარჩევნო კომისია არ იცავს სარეგისტრაციო ჟურნალის შევსების წესებს.

აბათხევის 25-ე საარჩევნო უბანზე (ახალციხის 37-ე საარჩევნო ოლქი) არ არის საკმარისი ოდენობის მარკირების სითხე, რომელიც საოლქო კომისიამ შესაბამისი ოდენობით არ გამოუყო.

ნინოწმინდის 41-ე საარჩევნო ოლქის სათხის საარჩევნო უბანს გარეთა მხრიდან აწერია ნომერი 25 მაგრამ ყველა საარჩევნო დოკუმენტაციაზე მითითებულია

ნომერი 26. ნახევარი დღის განმავლობაში აღნიშნულ უბანზე არ წარმოებდა ამომრჩეველთა მარკირება. გარდა აღნიშნულისა საარჩევნო ურნის ლუქი მოხსნილი იყო გარკვეული დროის განმავლობაში, შემდეგ კი დაილუქა. აღნიშნული ფაქტი გასაჩივრებული იქნა საოლქო კომისიაში უბანზე კენჭისყრის შედეგების გაუქმების მოთხოვნით.

კატნატუს 20-ე საარჩევნო უბანზე (ნინოწმიდის 41-ე საარჩევნო ოლქი) ორ რეგისტრატორს ერთი ბაჭედი აქვს. სამხედროთა სიაში გათვალისწინებული იყო 25 ამომრჩეველი, ხმა მისცა 26 -მა. აღნიშნული ფაქტი გასაჩივრდა დამკვირვებლების მიერ.

კორხის 15 -ე საარჩევნო უბანზე (ახალქალაქის 40-ე საარჩევნო ოლქი) დამკვირვებლების მიერ იდენტიფიცირებული იქნა ფაქტი, რის შესაბამისადაც საუბნო კომისიის წევრები დიდი ოდენობით ყრიდნენ საარჩევნო ბიულეტენებს საარჩევნო ყუთში. აღნიშნული ფაქტი გადაღებულია ვიდეო კადრზე დამკვირვებლების მიერ რომელსაც დამატებით გაავრცელებს ”მრაველეროვანი საქართველო”. აღნიშნული ფაქტის თაობაზე საჩივარი შეტანილი იქნა საოლქო საარჩევნო კომისიაში კორხის უბნის შედეგების გაბათილების მოთხოვნით.

ქვემო ქართლის რეგიონი

გარდაბნის 21-ე საარჩევნო ოლქის სოფელ თაზაქენდის 25-ე საარჩევნო უბანზე დაფიქსირდა ამომრჩევლის მიერ განმეორებით ხმის მიცემის ფაქტი. მოქალაქემ შეიცვალა ჩაცმულობა და ისე გამოცხადდა საარჩევნო უბანზე.

მარნეულის 22-ე საარჩევნო ოლქის სოფელ ყიზილაჯლოს 48-ე საარჩევნო უბანზე დამკვირვებლებმა შეამჩნიეს, რომ ერთი და იგივე ამომრჩეველმა რამოდენიმეჯერ მისცა ხმა. აღნიშნულ ფაქტზე დაიწერა საჩივარი.

გარდაბნის 21-ე საარჩევნო ოლქის სოფელ თაზაქენდის 25-ე საარჩევნო უბანზე ერთი და იმავე ამომრჩეველმა ორჯერ მისცა ხმა. გარდა აღნიშნულისა ამ უბანზე ადგილი ქონდა რიგ დარღვევებს: იმის გამო რომ კომისიის წევრებმა არ იცოდნენ ქართული ენა უჭირდათ სარეგისტრაციო ჟურნალისა და საარჩევნო დოკუმენტაციის წარმოება, რის გამოც არაერთხელ შეტანილ იქნა შესწორებები (გადაწესებები) აღნიშნულ დოკუმენტებში; ენის უცოდინრობის გამო საარჩევნო კომისიის მდივნის მოვალეობას დანიშნული პიროვნების ნაცვლად ასრულებდა კომისიის წევრი ”ერთიანი ნაციონალური მოძრაობიდან; საარჩევნო უბნის გახსნისას საარჩევნო ურნაში საკონტროლო ფურცლის ჩაგდებას არ დასწრებია კომისიის რიგი წევრები და დამკვირვებლები; გადასატანი ყუთისათვის რეგისტრირებული იყო 80 ამომრჩეველი, მაგრამ გადასატან ყუთს მიმაგრებულ წევრებს გაატანეს 30 ბიულეტენი მაჭორიტარული წესით

კანდიდატთა ასარჩევად და 150 ბიულეტენი პროპორციული სიით დეპუტატთა ასარჩევად (რომელთაგანაც 120 უკან დაბრუნებულ იქნა) - შესაბამისად ხმა მისცა მხოლოდ 30 ამომრჩეველმა ნაცვლად წინასწარ განცხადებულმა 80 ამომრჩეველმა. უბნის გახსნისას კომისიის თავმჯდომარეს არ აღმოაჩნდა ბეჭდის ბალიში რის გამოც უბანი გაიხსნა დაგვიანებით 8:30. ყველა აღნიშნული დარღვევის თაობაზე მომზადებული იქნა და წარდგენილი 5 საჩივარი.

მარნეულის რაიონის საოფელ სადახლოს 29 -ე საარჩევნო უბანზე კვლავაც აქვს ადგილი ერთი ამომრჩევლის მიერ რამოდენიმეჯერ ხმის მიცემის ფაქტს. ასევე ადგილი ქონდა ერთი ამომრჩევლის მიერ რამოდენიმე პასპორტის წარდგენას და შესაბამისი რაოდენობის ბიულეტენების მიღებას. საარჩევნო უბანზე მიმდინარეობს "ერთიანი ნაციონალური მოძრაობის" ღია აგიტაცია და ამომრჩევლებზე სიტყვიერი შენიშვნის გაკეთება რომ ხმა მისცენ სწორედ ამ პოლიტიკურ ორგანიზაციის წარმომადგენლებს.